

AKASHVANI AIZAWL
REGIONAL NEWS BULLETIN
HEADLINES (MORNING)

- 1. Mizoram Agriculture Marketing Board (MAMB) Pisa-ah Agriculture minister Pu PC Vanlalruata chuan Opickpure Organic Private Ltd. te hnen atangin sawhthing leina tur sum a dawng.
- 2. MP Pu K.Vanlalvena chuan Prime Minister Narendra Modi leh President Droupadi Murmu-i te hnenah Mizorama Indian Air Force te hmunhma lak tur chungchanga chhui tu tur Central Investigating Agency te tir lut tura ngen na a theh lut.
- 3. Larsap Gen (Retd) Vijay Kumar Singh an Mizoram Ex-Servicemen League member-te chu India rama Ex-Servicemen a hmuh tawhte zinga inchei nalh leh zahawm ber an ni a ti.
- 4. Prime Minister Narendra Modi chuan nimin khan India leh Malaysia inlaichinna kaihruaitu chu IMPACT- India-Malaysia Partnership for Advancing Collective Transformation a ni a ti.



GINGER MARKETING

Mizoram sorkar chuan sawhthing lei turin hma a la zel a, nimin tlai khan Mizoram Agriculture Marketing Board (MAMB) Pisa-ah Agriculture minister Pu PC Vanlalruata chuan Opickpure Organic Private Ltd. te hnen atangin sawhthing leina tur sum a dawng.

Opicpure te hian Sawhthing hi Khuangleng SCC atangin an lei tan dawn a, a bul tanna atan KG nuai 5 man tur cheng vaibelchhe 2 an hlan phawt a, sawhthing hi KG khat Rs 40 in an lei ang - Mizoram sorkar chuan support price a pe dawn a, KG khatah Rs 10 zelin a lo thlawp dawn tihna a ni.

Agriculture Minister Pu PC Vanlalruata chuan Sawhthing a hlawma lei duh lian zawkte nen an inbiak mek thu a sawi a, kuthnathawktu ten KG khat Rs 50 aia to a an lei theih dan tur an ngaihtuah zel tih sawiin, a tlawm berah pawh KG khat chu Rs 50 aia hniam in an hralh dawn lo tih a sawi bawk.



LENGPUI LAND SCAM ISSUE-MP

Rajya Sabha MP Pu K.Vanlalvena chuan nimin khan Prime Minister Narendra Modi leh President Droupadi Murmu-i te hnenah Mizorama Indian Air Force te hmunhma lak tur chungchanga thil dik lo awm nia hriat te chhui tu tur Central Investigating Agency te tir lut tura ngen na a theh lut.

Pu K.Vanlalvena chuan ram venhimna atana thil pawimawh Mizoram chhunga din chu Mizo mipuite'n an pawm a. Chutih laiin mi hlemhle leh pamham ten dik lo taka sum an siamna hmanrua atan Mizoram leilung hman chu an rem tih loh thu Prime Minister leh President te hnenah hian ziakin a thlen a ni.

Mipui pawisa, Central sawrkar sum Indian Air Force te tana ram lei dan a thil dik lo awm nia hriat zawng zawng te chhui chhuak a, dikna hailan a nih ngei theih nan Sawrkar laipui hnuaia dan bawhchhhatna chhuitu -central investigating agency te hnena a rang thei ang bera thupek siam turin Prime Minister leh President te chu a ngen a ni.

Congress Party leh MNF Party pawhin a hran ve ve in Indian Airforce hnena ram hralh chungchang hi CBI chhuitir turin hma an la a, Congress Party chuan CBI Mizoram Unit ah FIR thehlutin MNF Party hian Chief Vigilance Officer hnenah CBI chhuitir tura ngenna an thehlut a ni.

ZPM Party erawh chuan, CBI chhui tir an tum thu an sawi na in an thulh leh tih nimin khan ZPM Media Chairman, Revenue Minister Pu B Lalchhanzova chuan a sawi a, a chhan chu Congress party-in CBI Unit, Mizoramah FIR an thehluh tho avangin, ZPM PAC thurawn angin an thehlut leh dawn rih lo a ti.



GOVERNOR

Larsap Gen (Retd) Vijay Kumar Singh an Mizoram Ex-Servicemen League member-te chu India rama Ex-Servicemen a hmuh tawhte zinga inchei nalh leh zahawm ber an ni a ti.

Nimina State-Level Ex-Servicemen Rally, Aizawl Lammuala a hmanpuina-ah he thu hi sawiin, ram tana Ex-Servicemen-te huaisenna, inthununna leh hnaa inpekna chu a entawntlak a ti a, Mizo mipui leh sipai inkarah muanna, remna leh inzahtawnna a awm thu sawiin, mipuite leh sipaite'n inlaichinna tha tak an nei a, he rally pawh hi inzahtawnna, inringamna, thawhhona leh induhsaktawnna lantirna a ni, a ti bawh.

Governor chuan Ex-Servicemen-te nunah mahni inphatna leh inpumpekna entirna ataka hmuh theiha a awm thu sawiin, an service chhungin chhungkaw bulah pawh awm lovin India ram hmun hrehawm tak takahte an awm kual a, anmahni avangin mipui an him thin a ni, a ti a. An that lai hun tam zawk ram tana hlantu Ex-Servicemen leh an chhungte puala Medical camp buatsaih a ni leh pension, hamthatna leh chhawmdawlina an dawn chungchanga vuivaina thlenna tur Grievance Redressal Cell siam a ni chu lawmawm a tih thu a sawi a, rah tha a chhuah ngei a beisei thu a sawi a. An tan medical camp lian tham leh changtlung zawk neih tuma hmalak a nih thu a sawi bawh a. Mizoram sawrkarin Ex-Servicemen leh an chhungte

hamthatna a ngaih pawimawh thu sawiin, zonun zemawi 'Tlawmngaihna' chawinungin Ex-Servicemen-te zah taka tawiawm zel a tul thu a sawi bawk.

Ex-Servicemen Rally hmanpuitu Home Minister Pu K. Sapdanga pawhin thusawiin, ram tana inhlante leh ram zahawma siamtu Ex-Servicemen-te puala rally neih a ni chu ropui a tih thu sawiin, anmahni avangin India chuan beiseina sang tak a nei a ni, a ti a. Ram tana an thatlai hun tam zawk hmanga ram ralti leh hrehawm tak taka awm thinte ngaihsanawm a tih thu sawiin, duty an dah pawimawh hmasa tlat thin chu fakawm a tih thu a sawi a. Mizoram mipuiin Ex-Servicemen-te inpekna an hriatreng tawh dawn thu sawiin, tunah ralthuam tung rih mahse, khua leh tui entawntlak an nih chhunzawm zel thu a sawi a. Thalaite fuih phurtu leh entawn ni zel tura chahin, thalaite pawh an hnen atanga inzira, ram leh hnam tana mi tangkai nih tum theuh turin a chah a ni.

Governor hian rally puala stall hrang hrang siamte a tlawh kual a, Ex-Servicemen-te kawmin hun a hman zui a ni.

Nimina hun hmanah hian Ex-Servicemen (ESM) 9, sipai huaisen chawimawina dawng 1 chhungte leh ram tana nun hlantu sipai nupui (Veer Nari) 5 te hnenah chawimawina leh tanpuina hlan a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

CHIEF SECY VISIT SAITUAL

Chief Secretary Pu Khilli Ram Meena chuan nimin khan Saitual District tlawhin Saituala Sorkar dept hotute hnathawh dan a thirpui.

Saitual Bawrsap Pu Srinivas Sadi a kaihhruaiin Chief Secy hian sorkar dept hotute a kawm a, Saitual District chu ruihhlo kalkawng a nih avangin, sawrkar leh khawtlang mipuite chu ruihhlo do kawngah tanrual a tul tih a sawi a, DC leh SP te chu khawtlang leh kohhran hruaitute nen thawk ho a theih tawp chhuah turin a chah a ni.

Pu Khilli Ram Meena chuan Saitual District chu Manipur leh Myanmar ram nen a inri avangin ralhlante pawh biometric registration tih vek tha a tih thu sawi bawk.

Sawrkar laipui scheme tha tak tak a tam tih sawiin, mi tam takin heng scheme te hi hmasawn nana an hman a, an lo tangkaipui theih nan department tin te chuan thawhhona tha an neih a pawimawh thu a sawi bawk a ni.

Chief Secretary hian Seling-ah Saansad Adarsh Gram Yojana (SAGY) hnuaia project hrang hrang te a tlawh a, Saitualah hian Head of Office te nen an inkawm hnua Tamdil a tlawh bawk a ni.

<><><>

BUANNEL

Mizote pi leh pu te hun atanga hmun hmingthang, Myanmar-a Buannel hmun chu kuminah tlawhtu an la awm mumal lo.

Buannel hmun enkawltu, Buannel Management Committee a an Secretary, Pu Lalnuntluanga hnen atanga thu dawn danin tun hnaiah Hualngo ram chhungah indona a thlen thin avangin Buannel enkawltute chuan hma an la ngam meuh lova, kum tin February leh March thla te hi Buannel tlawhna atana hun tha ber, Chhawkhleih leh Bingbi te an par vul hun, Buannel mawi lai ber mah nise, boruak dinhmun a that loh avangin Mizoram atang pawhin Buannel tlawh hi tum rih lo turin Mizo mipuite an ngen a ni.

Hetihlai hian Zokhawthara Assam Rifles duty ten ramri kana Myanmar lama teihawi an remti lova, Zokhawthar ral lehlama chakkhai mamawh lam turte chauhin Ramri kan hi an phalsak thin a, hemi avang hian Rihdil tlawhtu pawh an tlem phah a, Rihdil tlawhtute chu darkar khat chauh hun an pe thin niin thu dawn a ni bawk.

<><><>

Modi in Malaysia

Prime Minister Narendra Modi chuan nimin khan India leh Malaysia inlaichinna kaihruaitu chu IMPACT- India-Malaysia Partnership for Advancing Collective Transformation a ni a ti. Kuala Lumpur-India mi awm ten event an buatsaih Selamat Datang Modi Ji’ tiha thu a sawi naah he thu hi sawi a ni.

Prime Minister Modi chu ni hnih chhung atan Malaysia ah a zin a, a ni khatna hi mipui te nena inzawmna, mimal inbiakpawhna, leh bilateral partnership te tih ngheh nan hun a hmang a. Kum 2024-a an inlaichinna Comprehensive Strategic Partnership-a an neih hnua Modi-a’n Malaysia a tlawh hmasak ber a ni.

Thu a sawi naah hian Prime Minister Modi chuan India ram pawna awmte chu India leh Malaysia thlunzawmtu “living bridge” an nih thu a sawi. Prime Minister Anwar Ibrahim nena hun rei tak an inthianthatna chu sawiin, nikum ASEAN summit-a a tel loh hnua Malaysia tlawh tura a intiamna chu a hlen chhuak tih a sawi.

Ni hnihnaah ram roreltute nen inbiakna hun neiin ram pahnihte thawhona that leh zualna tur kawng te an sawi ho anga, inremna thuthlung eng emaw zat an ziak dawn a ni.

<><><>